



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. Ioannis Polanci Societatis Iesv Theologi, Directorvm  
Breve, Ad Confessarii, Ac Confitentis Mvnvs Rectè  
Obeundum**

**Polanco, Juan-Alphonso de  
[Köln], 1617**

Præfatio de substantia, fine & efficiente causa sacramenti pœnitentiæ.

**urn:nbn:de:hbz:466:1-41600**

6

# PRÆFATIO DE SUBSTANTIA, FI- NE ET EFFICIENTI CAUSA SACRAMENTI Pœnitentia.

Pœnitē-  
tia du-  
pliciter  
acciipi-  
tur.

Pœnitē-  
tie, vt  
virius  
est, defi-  
nitio.  
Pœniten-  
tia, vt  
est Sa-  
cramen-  
tum, defi-  
niti.

OENITENTIA & Vir-  
tus est, & Sacramentum,  
juxta Doctorum senten-  
tiam. Virtus quidem est  
qua dolemus, vt oportet,  
de peccatis præteritis, cū  
proposito ea in futurum euitandi, quod  
breuiter Ambrosius, Pœnitentia est præ-  
terita mala plangere, & plangenda ite-  
rum non committere. Ut autem est Pœ-  
nitentia Sacramentum, id est, ex Augu-  
stino, & sancto Thoma, sacre rei signū,  
puta remissionis peccatorum, duplices  
actus includit, nimirum, peccatoris cor  
recessisse à peccato ostendentes, & Sa-  
cerdotis, opus Dei in remissione pecca-  
torum significantes.

Sed rem magis explicando ex Conci-  
lio Florentino (cui consonat Tridenti-  
nū & Doctores) huius Sacramenti quasi  
pœnitentia materia, sunt Actus pœnitentis, qui in  
tice ma- tres distinguntur partes.

Prima



P R A E F A T I O .

Prima est cordis contritio, qua pœni-<sup>Contritio</sup>  
tens detestatur, & dolet de peccatis <sup>tio</sup>,  
commisis, cum proposito amplius non  
peccandi.

Secunda est oris confessio, qua omnia Confes-  
peccata, quorum memoriam habet, Sa-<sup>sio</sup>,  
cerdoti suo integrè confitetur.

Tertia est operis satisfactio, qua pro <sup>Satisfac-</sup>  
peccatis secundum arbitrium sacerdo-<sup>tio.</sup>  
tis satisfacit, quæ quidem præcipue fit  
per ieiunium, orationem & eleemosynā.

Formæ huius Sacramenti sunt verba <sup>Pœnitentia</sup>  
absolutionis, quæ Sacerdos profert, cum <sup>tie & For-</sup>  
dicit; Ego te absoluo; omnia autem alia <sup>mat.</sup>  
sunt ad solennitatem, quæ tamen non  
sunt prætermittenda.

Finis vero, res, & effectus huius Sacra- <sup>Finis.</sup>  
menti, quantum ad eius vim, & institu-  
tionem spectat, est absolui à peccatis, &  
reconciliari Deo, in eius gratiam rede-  
undo: unde sequitur liberatio à pœnis  
Infernī, & in ijs qui deuotè confitentur,  
pax & serenitas conscientiæ, cum magna  
spiritus consolatione, & augmento do-  
norum Dei.

Causa efficiens, & primaria huius Sa- <sup>Efficiens.</sup>  
cramenti licet Deus sit Christi meritum  
intuens, tamen ut secundaria & instru-  
mental is, est minister huius Sacramen-

Prima

A. 4

qui

S DIRECTORIUM

qui Sacerdos esse debet, habens authoritatem absoluendi ordinariam, vel ex delegatione superioris: & de hoc ministro dirigendo sermo nobis impræsentiarum futurus est. Sed ut in artificialibus, artificis esse solet, & quæ ad suam personam spectant curare, & artis materiam disponere, & in eandem dispositam formam inducere, & ad finem animo propositum

*Confessa  
rio quæ  
curan-  
da.* totum opus aptare: sic huius sacramenti ministro (q. Confessarius est) ut suo per fungatur officio, quatuor erunt curanda. Primum pertinet ad ipsius personam, ut apta sit ad hoc munus obeundum. Secundum ad Sacramenti materiam; scilicet aetus confitentis, ut is a confessario adiutor, circa contritionem, confessionem & satisfactionem, suum officium faciat. Tertium ad formam huius sacramenti, ut recte, atque ordine absolutio impendantur. Quartum ad fine, ut scilicet penitens non solum per peccatorum veniam Deo reconciletur, verum etiam emendationem vitae, pacem, & consolationem spiritualem referat. & ad gratias profectum se disponat. Et de his quatuor totidem capitibus agendum erit.

D E

